



Lêerno.: 20/3/6/1/Timetable notifications to schools  
Verwysing: 20220308-492

Omsendbrief: 0013/2022

Vervaldatum: 24 Junie 2022

Aan: Adjunk-direkteurs-generaal, Hoofdirekteure, Direkteure (Hoofkantoor en distrikskantore), Adjunkdirekteure, Hoofonderwyskundiges, Hoofde: Kurrikulumondersteuning, Vakadviseurs, Kringbestuurders, Hoofde: Bestuur en Beheer, Adjunk-hoofonderwyskundiges en Hoofde van inrigtings wat kandidate vir die Nasionale Senior Sertifikaat- en Senior Sertifikaat-eksamen voorberei

Kort opsomming: *Die rooster en reëlins van 2022 se Mei-/Junie-eksamen vir die Nasionale Senior Sertifikaat (NSS)- en die Senior Sertifikaat (SS)-eksamen.*

**Onderwerp: Die rooster en reëlins van 2022 se Mei-/Junie-eksamen vir die Nasionale Senior Sertifikaat (NSS)- en die Senior Sertifikaat (SS)-eksamen**

1. 'n Afskrif van die **finale rooster** vir 2022 se Mei-/Junie NSS- en SS -eksamen is hierby ingesluit.
2. Die Mei/Junie NSS- en SS-eksamen vir 2022 sal op Maandag, 09 Mei 2022 begin en op Donderdag, 23 Junie 2022 ten einde loop.
3. Die NSS- sowel as die SS-kandidate sal dieselfde eksamen skryf, aangesien dit soortgelyk is aan November 2021 se NSS-eksamen en alle vakke wat in November 2021 se NSS-eksamen aangebied is, sal in 2022 se Mei-/Junie-eksamen aangebied word. SS-kandidate mag egter net die vakke skryf wat in **drukskrif en skuinsdruk** gemerk is.
4. Twee eksamensessies is vir elke dag geskeduleer. Die oggendsessie sal om 09:00 begin en die namiddagsessie om 14:00.
5. Die geleentheid om Rekenaartoepassingstegnologie en Inligtingstegnologie oor te skryf, sal op Donderdag, 23 Junie 2022 om 09:00 plaasvind.

6. Wat die toelating van kandidate tot die eksamenlokaal betref, moet opsieners seker maak dat elke kandidaat sy/haar toelatingsbrief **en** identiteitsdokument/-kaart toon. Opsieners moet hierdie toelatingsvereiste streng uitvoer. 'n Kandidaat wat egter nie die vereiste dokument(e) kan wys voordat hy/sy die eksamenlokaal binnegaan nie, moet **nie** verhoed word om daardie spesifieke eksamen te skryf **nie**. **Die betrokke kandidaat moet die volgende dag die vereiste dokument(e) wys.** Sou die kandidaat versuim om dit te doen, moet 'n onreëlmatigheid verklaar word en moet die normale prosedure rakende onreëlmatighede, gevolg word.
7. Die hoofopsiener moet seker maak dat kandidate die eksamenlokaal 30 minute voor die amptelike aanvangstyd van die eksamensessie binnegaan. Die tyd moet soos volg benut word:
  - 7.1 Die eerste 20 minute moet gebruik word om die kandidate in hul korrekte sitplekke te laat sit, die vraestelle en antwoordboeke uit te deel en die eksamenregulasies voor te lees. Opsieners moet seker maak dat hul 30 kandidate nie 'n elektroniese toestel (soos 'n selfoon) of enige ander ongemagtigde materiaal in hul besit het nie.
  - 7.2 Tydens die oorblywende tien minute, **moet** kandidate die geleentheid kry om deur die vraestel te **lees**. Opsieners moet kontroleer dat die vak en vraestel op die toelatingsbrief ooreenstem met die vraestel van hul 30 kandidate.
  - 7.3 Daar mag glad nie gedurende hierdie 30 minute toegelaat word dat daar geskryf of aantekeninge gemaak word nie. Enige oortreding van hierdie reël sal as 'n onreëlmatigheid beskou word.
  - 7.4 Kandidate moet ophou skryf sodra die tyd wat op die eksamenrooster aangedui word, verstreke is. Opsieners moet eers die antwoordstelle by die lessenaars van hul 30 kandidate insamel en kontroleer, en dan die kandidate toelaat om die kontroleregister vir antwoordstelle te onderteken.
8. Verteenwoordigers van die Wes-Kaap Onderwysdepartement, Umalusi en die Departement van Basiese Onderwys sal die eksamenprosesse by die eksamensentrums monitor.
9. Bring asseblief die inhoud van hierdie omsendbrief onder die aandag van alle kandidate wat van voorneme is om die 2022 Mei/Junie NSS- en SS-eksamen te skryf.

**GETEKEN:** B WALTERS

**HOOF: ONDERWYS**

**DATUM:** 2022-03-16